

KALATE BAA YÔHANES A NGA TILI

Mebatan

(2 Pét 1 : 1, 2 ; 3 Yôh 1)

1 Mvendé j'atili ntobane Nganti a bone bé, mmbe mamien m'anye'e e benya mejôô été, sa ke ve mamien étam, ve ba bese b'ayeme fe benya mejôô, 2 amu benya mejôô be too e be mia ba, b'aye langane be e be mia nnôm éto :

3 Mvam, a nkoan éngôngo, a mvo'é bi bo'o e be bia, bi so'o e be Esaa a e be Yésus Krist Mon Esaa, e benya mejôô a nye'an été.

Taba'an e ñye'elane Krist été

(Yôh 13 : 34, 35 ; 1 Yôh 5 : 1-3 ; 3 Yôh 3, 4)

4 Me nga vak beta mevak aval ane me nga yene bevo'o ya bone bôé be tôñe benya mejôô, ane mvinda ébien bi nga nyoñ e be Tate. 5 Eyoñe ji, m'aye'elane wo, A Nganti, sa ke ane m'atili wo mfefé mvinda, ve nyô bi nga bili aso atata'a, na bia bia bi nye'esan. 6 Wuna ñwô ô ne nye'an ôte, na bi tôñe memvinda mé ; nyina nje é ne mvinda éte aval ane mi nga wôk aso atata'a, na mi tôñ nye'an. 7 Amu abui bôte medu'an e maneya suan e si nyô, ba be nji kômbô meme na Yésus Krist a nga nyoñe nyôle minsôn ; aka'a mô't mô't ete nde e ne mô'ta medu'an a ñsiñe Krist. 8 miabebien Momba'an, amu mi za dimili bisaé bi nga bo, nalé mi aye nyoñe mingum mi ma'an. 9 Mô't ase a bo te ke ôsu a langan a too e ñye'elane Krist été nnye a nji bi Zambe ; ve nyô a langan a too e ñye'elane Krist été nnye a bili Esaa baa Mon. 10 Nge mô't éziñ a zu e be mia teke'e zu a ñye'elane wu, mi bo'o te nyoñe nye e nda été, ja'a mebatan te batane nye ; 11 amu nyô a batane nye a nyoñe ngabe ya mbia bisaé bé.

Njoman a ye be ke jom

12 Akô'sabo me bili abui mam ya tili mia, me nji nye'e me bo'o ésaé a mefeb a tiñeti, ve me too ndi na m'aye zu jome mia, bi kobô'ô bi lôane mesu, nalé meva'a mangan m'aye jaé.

13 Bon be ntobane monyaña minga b'abatane wo.

Rev. Matthias MEYE

Secrétaire Général 1961.....